



**F**Rācus filius fuit Antharij regis Sicambrorum. Is post patrem ob plurimas uirtutes anno mundi termillesimo noningētesimo uicesimo sexto rex electus fuit. Sub hoc rege Teutonici populi perpetuo foedere coniuncti sunt, ut quæcūq; regio alteri, si opus esset, auxilio ueniret: ob quod foedus quidam eis Germanorum nomen impositum credunt. Itaq; factum ut tum Gothi Germaniæ finibus expulsi fuerint. Postea Francus Galliam miserè populatus, cecidit, sternit, & incendit quodcūq; obuiam habuit. Inde etiam Saxonum & Thuringorum ope adiutus M. Lollium Romanorum legatum prælio uicit, & è Germania fugauit. Itaq; is sua uirtute effecit, ut

Sicambri ab eo denuò Franci dicti fuerint. Cum hoc modo Frācus per 28 annos magna gloria suos rexisset, obiit, & Clogio filio Francorum regnum reliquit. Trith. in Franc. regib.